

資治通鑑補

資治通鑑補卷第二十四

宋凍水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀十六

起元平元年盡宣帝地節二年凡七年

孝昭皇帝下

元平元年春二月詔曰天下以農桑為本日者省用罷不急官

減外徭耕桑者益眾而百姓未能家給朕甚愍焉其減口賦錢什

三如舊日漢儀注民年七歲至十四出口賦錢人二十三 甲申

晨有流星大如月眾星皆隨之而西行 夏四月癸未帝崩於未

央宮臣贊曰壽 初霍光欲皇后擅寵有子帝時體不平左右及醫

皆阿意言宜禁內雖宮人使令皆為窮袴多其帶服虔云窮袴者

不便於交通後宮莫有進者故帝無嗣時武帝子獨有廣陵王胥大將

軍光與羣臣議所立咸持廣陵王王壯大力扛鼎能空手搏熊羆

猛獸然好倡樂佚本以行失道先帝所不用光內不自安郎有上

書言周太王廢太伯立王季文王舍伯邑考立武王師古曰太伯

伯邑考文王長子也唯在所宜雖廢長立少可也廣陵王不可以承宗廟言

合光愆光以其書示丞相敞等擢郎為九江太守九江郡屬揚州

州地死又白皇后徙右將軍張安世為車騎將軍與謀所立議者咸

言昌邑王實武帝孫當立即日承皇后詔遣行大鴻臚事少府樂

成宗正德光祿大夫吉中郎將利漢樂成史樂成德劉德吉迎賀

令乘七乘傳文帝之入立也乘六詣長安邸諸王國皆置邸長安

乘傳今乘七乘傳

此謂長安之昌邑邸

也賀昌邑哀王之子也哀王名勝武帝子也在國素任縱勅作無節武帝之

喪賀游獵不止嘗游方輿方輿縣本屬山陽郡武帝以山陽為昌邑王國方輿縣屬焉○方音房不

半日馳二百里中尉瑯琊王吉上疏諫曰大王不好書術而樂逐

游馮式搏銜師古曰搏性也搏音尊上聲馳騁不止口倦庫叱咤手苦於筆轡

身勞庫車輿朝則冒霧露晝則被塵埃夏則為大暑之所暴炙冬

則為風寒之所區薄師古曰區與偃同言選疾更則偃靡也薄言迫也此音黠吃音差去聲薄音迫數

以奠脆之玉體奠柔也○奠音軟脆音翠犯勤勞之煩毒非所以全壽命之宗

也又非所以進仁義之隆也夫廣廈之下細旃之上明師居前勸

誦在後上論唐虞之際下及殷周之盛考仁聖之風習治國之道

新新焉發憤忘食日新厥德其樂豈徒銜櫛之閒哉數音休則俯

仰屈伸以利形進退步趨以實下如舊日今人不行則膝以下痿弱不實吸新吐故

以練藏裁五專意積精以適神於以養生豈不長哉大王誠留意

如此則心有堯舜之志體有僑松之壽師古曰仙人伯美聲廣譽

登而上聞則福祿其臻而社稷安矣皇帝仁聖至今思慕未怠古師

日皇帝謂昭帝也言武於宮館囿池弋獵之樂未有所幸大王宜

夙夜念此以承聖意諸侯骨肉莫親大王大王於屬則子也於位

則臣也一身而二任之責加焉恩愛行義蟻介有不具者於以上

固非饗國之福也王乃下令曰寡人造行不能無情中尉甚忠數

輔吾過使謁者千秋賜中尉牛肉五百斤酒五石脯五束孔穎達

始始作即成也脩訓治治之乃成鄭注其後復放縱自若郎中令

山陽龔遂忠厚剛毅有大節內諫爭於王外責傅相引經義陳禍

福至於涕泣蹇蹇亡已易曰王面刺王過王至掩耳起走曰郎中

令善媿人王嘗久與嬖奴宰人游戲飲食賜車而西河者也賞

賜無度遂入鬼王涕泣糜行左右侍御皆出涕王曰郎中令何為

哭遂曰臣痛社稷危也願賜清閒竭愚王辟左右遂曰大王知膠

西王所以為無道亡乎膠西王謂于王崇也王曰不知也曰臣聞膠西王有

諛臣侯得王所為僂於桀紂也得以為堯舜也王說其諂諛常與

廢處唯得所言以至於今大王親近羣小漸漬邪惡所習存亡

之機不可不慎也臣請選郎通經有行義者與王起居坐則誦詩

書立則習禮容宜有益王許之遂乃選郎中張安等十人侍王居

數日王皆逐去安等王嘗見大白犬頸以下似人冠方山冠而無

尾方山冠以五采穀為之前高七寸後高三寸長八寸樂舞人服之考異曰昌邑王傳云無頭五行志云無尾且云不得置後之

象若頸以下似人而無頭何以辨以問龔遂遂曰此天戒言在側

其為大且安所施冠蓋傳誤也

者盡冠狗也言王左右之人皆狗而冠也去之則存不去則亡矣後又聞人聲

曰熊視而見大熊左右莫見以問遂遂曰熊山野之獸而來入宮

室王獨見之此天戒大王恐宮室將空危亡象也王仰天而歎曰

不祥何為數來遂叩頭曰臣不敢隱忠數言危亡之戒大王不說

夫國之存亡豈在臣言哉願王內自揆度大王誦詩三百五篇人

事浹王道備王之所行中詩一篇何等也大王位為諸侯王行汗

於庶人以存難以亡易宜深察之後又血汗王坐席王問遂遂叫

然號曰宮空不久妖祥數至血者陰憂象也宜畏慎自省王終不

改節及徵書至夜漏未盡一刻以火發書其日中王發哺時至定

陶定陶縣為濟陰郡治所行百三十五里侍從者馬死相望於道王吉奏書

戒王曰臣聞高宗諒闇三年不言今大王以喪事徵竝日夜哭泣

悲哀而已慎毋有所發且何獨喪事凡南而之君何言哉大將軍
仁愛勇智忠信之德天下莫不聞事孝武皇帝二十餘年未嘗有
過先帝棄羣臣屬以天下寄幼孤焉大將軍抱持幼君襁褓之中
布政施教海內晏然雖周公伊尹無以加也今帝崩無嗣大將軍
惟思可以奉宗廟者攀援而立大王其仁厚豈有量哉臣願大王
事之敬之政事豈聽之大王垂拱南面而已願留意常以為念王
至濟陽班志濟陽縣屬陳留郡杜佑曰濟陽縣故城在曹州冤句縣西南求長鳴雞師古曰雞之
范成大曰長鳴雞自南詔諸蠻來形矮而大鳴聲圓長一鳴半
刻終日啼號不絕聲甚貴之一雞直銀一兩臣州縣洞亦有之道
買積竹杖文穎曰合竹作杖也過宏農使大奴善以衣車載女子師古曰凡
謂奴之尤長大者也善其名也至湖使者以讓相安樂師古曰使者長安使安樂
告龔遂遂入問王王曰無有遂曰即無有何愛一善以毀行義請

收屬吏以湔洒大王卽梓善屬衛士長行法師古曰衛士長主王衛之官梓持頭也

到霸上大鴻臚郊迎駕奉乘輿中王使壽成御壽成人名昌邑太僕也郎中

令遂參乘且至廣明東都門遂曰禮葬喪望見國都哭此長安東

郭門也王曰我嗌痛不能哭至城門遂復言王曰城門與郭門等

耳且至未央宮東闕遂曰昌邑帳在是闕外馳道北文類曰帟哭帳也未

至帳所有南北行道馬足未至數步大王宣下車繼闕西面伏哭

盡哀止王曰諾到哭如儀六月丙寅王受皇帝璽綬襲尊號尊皇

后曰皇太后王申葬孝昭皇帝於平陵平陵屬右扶風在長安西北七十里自廟至葬

五十昌邑王既立淫戲無度昌邑官屬皆徵至長安往往超擢

拜官相安樂遷長樂衛尉襲遂見安樂流涕謂曰王立為天子日

益驕溢諫之不復聽今哀痛未盡日與近臣飲酒作樂關虎豹召

皮軒車九旒

漢大勳注：舊前驅有雲，旱九旒。皮軒，舊蘇薛諒曰：雲早旌，旗名。胡廣曰：皮軒，以虎皮為軒郭。瑛曰：皮軒革。

車即曲禮前有十師，則藏虎皮。坤古曰：皮軒之。上以赤皮為重蓋。今此制尚存，非用虎皮。館車，驅馳東西所為。詩

道古制寬，大臣有隱退，今去不得，陽狂恐知身死為世戮。奈何君

陛下故相宜極諫，爭王夢青蠅之矢，積西階東可五六石，以屋版

瓦覆之

版瓦大瓦也

以問遂，遂曰：陛下之詩不云乎

以昌邑王習詩故云然。蘇林曰：舊言

陛下所讀之詩也

營營青蠅，止于藩，愷悌君子，毋信讒言。陛下左側讒人

眾多，如是青蠅惡矣

師古曰：惡，即矢也。吳越春秋云：越王勾踐為吳王畜惡，即其義也。

宓道先帝

大臣子孫親近，以為左右，如不忍昌邑故人，信用讒諛，必有凶咎

願詭禍為福

師古曰：詭，反也。

皆放逐之，臣當先逐矣。王不聽。太僕丞河東

張敞上書諫

班表：太僕有兩丞，續漢志：丞一人，丞千石。河東郡為并州，按此時河東郡當屬司隸。

曰：孝昭皇

帝蚤崩，無嗣，大臣憂懼，選賢承宗廟，東迎之日，唯恐屬車之行

遲今天子以盛年初即位天下莫不拭目傾耳觀化聽風國輔大

臣未衰而昌邑小童先遷李奇曰挑釐小臣也補註小童常是小輩之說此雖承襲漢書原文吾恐不敢

信以為然也此過之大者也王不聽大將軍光憂懣獨以問所親故吏

大司農田延年延年曰將軍為國柱石審此人不可何不建白太

后更選賢而立之光曰今欲如是於古嘗有此不延年曰伊尹相

殷廢太甲以安宗廟後世稱其忠將軍若能行此亦漢之伊尹也

光乃引延年給事中陰與車騎將軍張安世圖計王出遊光祿大

夫魯國夏侯勝當乘輿前諫曰天久陰而不雨臣下有謀上者陛下

下出欲何之王怒謂勝為妖言縛以屬吏吏白霍光光不舉法光

讓安世以為泄語安世實不詳乃召問勝勝對言在洪範傳曰皇

之不極厥罰常陰漢儒作洪範傳以五事應五行皇之不極是謂不進厥罰常陰時則有下人佞上之病自君也

極中也建立他人君親言親聽思五事皆失不得其中則不能立
萬事失在鹿特故其咎既也王者承天理物雲起於山而彌於天
天氣亂故其罰常陰也君亂且弱時則有下人伐上者惡察察言
人之所叛故有下人伐上之病也惡忌諱也察察言不敢明言之也故云臣下有謀光安世大驚以此益重經術士
侍中傅嘉敷進諫王亦縛嘉繫獄光安世既定議乃使田延年報
丞相楊敞敞驚懼不知所言汗出洽背徒唯唯而已延年起至更
衣敞夫人司馬氏遷之女也遽從東廂謂敞曰此國大事今大將
軍議已定使九卿來報君侯君侯不疾應與大將軍同心猶與無
決先事誅矣延年從更衣還敞夫人與延年參語許諾請奉大將
軍教令癸巳光召丞相御史將軍列侯中二千石大夫博士會議
未央宮光曰昌邑王行昏亂恐危社稷如何羣臣皆驚鄂失色莫
敢發言但唯唯而已田延年前離席按劔曰先帝屬將軍以幼孤

寄將軍以天下以將軍忠賢能安劉氏也今羣下鼎沸社稷將傾
 且漢之傳諡常為孝者以長有天下令宗廟血食也如漢家絕祀
 將軍雖死何面目見先帝於地下乎今日之議不得旋踵羣臣後
 應者臣請劔斬之光謝曰九卿責光是也天下匈匈不安光當受
 難於是議者皆叩頭曰萬姓之命在於將軍惟大將軍令光即與
 羣臣俱見白太后具陳昌邑王不可以承宗廟狀皇太后乃車駕
 幸未央承明殿未央宮有承明殿天子於是延儒生學士武帝責莊助曰君厭承明之虛是也詔諸禁門
 毋內昌邑羣臣王入朝太后還乘輦欲歸溫室晉灼曰長樂宮有溫室殿武帝三載黃龍
溫室殿在未央殿北武帝得余謂長樂殿亦有溫室但漢諸帝皆居未央則此當為未央之溫室也中黃門宦者各
 持門扇中黃門屬少府黃門令師古曰中黃門謂闕人及禁中在黃門之內給事者也比百石王入門閉昌
 邑羣臣不得入王曰何為大將軍跪曰有皇太后詔毋內昌邑羣

臣王曰徐之何乃驚人知是光使盡驅出昌邑羣臣置金馬門外
車騎將軍安世將羽林騎收縛二百餘人皆送廷尉詔獄令故昭
帝侍中中臣侍守王光敕左右謹宿衛卒有物故自裁令我負天
下有殺主名王尙未自知當廢謂左右我故羣臣從官何得罪而
大將軍盡繫之乎頃之有太后詔召王王聞召意恐乃曰我安得
罪而召我哉太后被珠襦如漢日以珠飾襦也晉灼曰
貫珠以爲襦形若今革襦矣盛服坐武
帳中侍御數百人皆持兵期門武士陛戟陳列殿下羣臣以次上
殿召昌邑王伏前聽詔光與羣臣連名奏王尙書令讀奏曰丞相
臣敞等臣敞下
卽連名昧死言皇太后陛下孝昭皇帝早棄天下遣使徵
昌邑王典喪服斬衰無悲哀之心廢禮誼居道上不素食使從官
略女子載衣車內所居傳舍始至謁見立爲皇太子常私買雞豚

以食受皇帝信璽行璽大行前大行前昭宗柩前也韋昭曰大行不反之辭也就次發璽

不封從官更持節引內昌邑從官驕宰官奴二百餘人常與居禁

闈內敖戲為書曰皇帝問侍中君卿使中御史令高昌奉黃金千

斤賜君卿取十妻師古曰昌邑之侍中名君卿也大行在前殿發樂府樂器引內

昌邑樂人擊鼓歌吹作俳倡召內泰壹宗廟樂人悉奏眾樂鄭氏曰祭

奉一樂人也余據武帝祠奉一川樂舞召讀見作二十五弦及空

候瑟又采詩夜誦有越代秦楚之混宗廟樂有文德昭德文始五

行之舞嘉至承至登歌休成之樂房中祠樂駕法駕驅馳北宮桂

宮師古曰北宮桂宮並在未央宮北三輔黃圖桂宮武帝造周回

弄熊鬪虎召皇太后御小馬車張見曰皇太后所駕並宮中帶車也漢殿有果下馬高三尺以駕

師古曰小馬可於果下乘之故云果下馬使官奴騎乘遊戲掖庭中與孝昭皇帝宮人

蒙等淫亂詔掖庭令敢泄言要斬掖庭令屬少府武帝太初元年更名即承巷令也太后

日止爲人臣子常梓亂如是邪王離席伏尙書令復讀曰取諸侯

王列侯二千石綬及墨綬黃綬以并佩昌邑郎官者免奴續漢志諸侯王

赤綬四采青黃縹紺列侯紫綬二采紫白二千石青綬三采青白

紅千石六百石墨綬三采青赤紺四百石三百石二百石黃綬師

古曰免奴謂切發御府金錢刀劔玉器采繪賞賜所與游戲者與

從官官奴夜飲湛沔於酒獨夜設九賓溫室神古曰是溫室中延

見姊夫昌邑關內侯祖宗廟祠未舉爲璽書使使者持節以三太

牢祠昌邑哀王園廟稱嗣子皇帝受釀以來二十七日使者劾午

師古曰一縱一橫爲持節詔諸官署徵發凡一千一百二十七事

劾午猶言交橫也荒淫迷惑失帝王禮誼亂漢制度臣做等數進諫不變更日以益

甚恐危社稷天下不安臣做等謹與博士議皆曰今陛下嗣孝昭

皇帝後行淫僻不軌詩云藉曰不知亦既抱子五辟之屬莫大不

孝孝經孔子曰五刑之屬三千而罪莫大於不孝辟五刑之辟也周襄王不能事母春秋曰天王

出居於鄭由不孝出之絕之於天下也傳二十四年穆書天玉出居於鄭公羊傳曰王者無

外此其言出何不能於母也宗廟重於君陛下不可以承天序奉祖宗廟子萬

姓當廢臣請有司以一太牢具告祠高廟皇太后詔曰可光令王

起拜受詔王曰聞天子有誅臣七人雖亡道不失天下引孝經孔子之言

光曰皇太后詔廢安得稱天子乃即持其手解脫其璽組說文曰組綰屬

續漢志乘輿黃赤綬四采黃赤組纁長丈有九尺九寸五百首奉上天后扶王下殿出金馬門羣

臣隨送王西面拜曰恩慙不任漢事起就乘輿副車大將軍光送

至昌邑邸光謝曰王行自絕於天臣甯負王不敢負社稷願王自

愛臣長不復見左右光涕泣而去羣臣奏言古者廢放之人屏於

遠方不及以政請徙王賀漢中房陵縣漢中郡房陵縣房陵縣唐為房州太后詔

歸賀昌邑賜湯沐邑二千戶故王家財物皆與賀及哀王女四人
 各賜湯沐邑千戶國除爲山陽郡昌邑羣臣坐在國時不舉奏王
 罪過令漢朝不聞知又不能輔道陷王大惡皆下獄誅殺二百餘
 人皆號呼市中曰當斷不斷反受其亂唯中尉吉郎中令遂以忠
 直數諫正得減死髡爲城旦師王式繫獄當死治事使者責問曰
 師何以無諫書王式時爲昌邑王師以授王詩式對曰臣以詩三百五篇朝夕授
 王至於忠臣孝子之篇未嘗不爲王反覆誦之也至於危亡失道
 之君未嘗不流涕爲王深陳之也臣以三百五篇諫是以無諫書
 使者以聞亦得減死論霍光以羣臣奏事東宮太后省政宜知經
 術白令夏侯勝用尙書授太后遷勝長信少府長信宮名少府掌其宮事班表長信
詹事掌皇太后宮景帝中六年更名長信少府平帝元始四年更名長樂少府三轉黃圖長信殿在長樂宮太后常居之賜辭

關內侯式既得免死歸家教授東平唐長賓沛郡褚少孫亦來事

式問經數篇式謝曰聞之於師具是矣自潤色之不可復授既而

唐生褚生應博士弟子選詣博士攝衣登堂頌禮甚嚴試誦說有

法疑者耶蓋不言孔子曰蓋有不知而作之者我無是也欲盡此意故效孔子自稱耶耳諸博士驚

問何師對曰事式皆素聞其賢其薦為博士式徵來衣博士衣而

不冠曰刑餘之人何宜復充禮官既至止舍中諸大夫博士其持

酒肉勞式皆注意高仰之博士江公世為魯詩宗心嫉式謂歌吹

諸生曰歌驪駒驪駒逸詩也其辭云驪駒在門僕夫具存驅駒在路僕夫整駕式曰聞之於師客

歌驪駒主人歌客無庸歸今日諸君為主人日尚早未可也江翁

曰經何以言之式曰在曲禮江翁曰何狗曲也式恥之陽邊地而

罷符諸生曰我本不欲來諸生彘勸我竟為監子所辱遂謝病免

歸卒於家

避音葛失 好而到也

初衛太子納魯國史良娣

師古曰太子有良娣有

子几生子進

師古曰進皇孫之名也

號史皇孫皇孫納涿郡王夫人

涿郡屬幽州

生子病已

師古曰蓋以風遭屯難而多病苦故名病已

號皇台孫皇台

孫生數月遭巫蠱事太子三男一女及諸妻妾皆遇害獨皇曾孫

在亦坐收繫郡囚獄

師古曰漢舊儀郡囚獄治天下郡國上計者馬大鴻臚此蓋巫蠱獄收繫者厭故皇曾孫

寄在郡

故廷尉監魯國丙吉

丙吉表廷尉有左

受詔治巫蠱獄吉心

知太子無事實重哀皇曾孫無辜擇謹厚女徒涓城胡組淮陽郭

徵卿令乳養曾孫置閒燥處

李奇曰輕罪男子守邊一歲女子輕

史謂之女徒復作復作者復為官作

滿其本罪月日班志涓城縣屬扶風吉曰再省視巫蠱事述歲不

決武帝疾來往長楊五柞宮

師古曰二宮並在整屋皆以水名之水經注漏水出南山赤谷東北流連

長楊宮漏水又東北取谷水注之水發南

望氣者言長安獄中有

山脈谷北流與柳泉合東北經五柞宮

天子氣於是武帝遣使者分條中都官詔獄繫者師古曰條謂疏錄之無輕

重一切皆殺之內謁者令郭種夜到郡邸獄吉閉門拒使者不納

曰皇曾孫在他人無辜死者猶不可況親曾孫乎相守至天明不

得入穰還以聞因劾奏吉武帝亦寤曰天使之也因赦天下郡邸

獄繫者獨賴吉得生既而吉謂守丞誰如皇孫不當在官文穎曰官不當在郡邸獄也師古曰守丞守獄官之丞誰如者其人名使誰如移書京兆尹遣與胡組俱

送京兆尹不受復還及組日滿當去皇孫思慕吉以私錢雇組令

詔令師古曰少內掖庭主府藏之官也時吉得食米肉月月以給皇曾孫曾孫病

幾不全者數焉吉數救休養乳母加致醫藥視遇甚有恩惠吉聞

史良娣有母貞君及兄恭乃載皇曾孫以付之貞君年老見孫孤

甚哀之自養視焉後有詔掖庭養親上屬藉宗正時掖庭令張賀
 者安世兄也嘗事衛太子太子敗賓客皆誅安世上書為賀請得
 下獄室後為掖庭令思願舊恩哀曾孫奉養甚謹以私錢供給教
 書既壯賀亟稱其賢欲以女孫妻之是時昭帝始冠長八尺二寸
 安世時為右將軍輔政聞賀稱譽皇曾孫欲妻以女怒曰曾孫乃
 衛太子後也幸得以庶人衣食縣官足矣勿復言予女事於是賀
 止時暴室齋夫許廣漢有女暴室屬掖庭令師古曰取暴室為名蓋主織作染練之署應劭曰暴室宮人試也今日暴室許廣漢坐法腐為宦者作齋夫也師古又曰暴室職務既多因為價獄主治罪人故往往云暴室獄耳然非獄名
 亦籍縣鄉齋夫高夫者暴室屬官賀乃置酒請廣漢酒酣為言曾孫體近下乃關
 內侯師古曰言曾孫於帝為近親繼其人得下少爵為關內侯也可妻也廣漢許諾廣漢女字
 平君當為內者令歐侯氏子婦臨當入歐侯氏子死其母卜相言

當大貴母獨喜及聞與曾孫甚怒廣漢重令為介正漢書顏師古注曰更令人

作媒結婚姻通盤送於令字下增一人字今按漢書令字下原無人字今指張賀蒞賀為掖庭令廣漢重其為媒介故不敢聽婦言

而遂與曾孫顏師古遂與曾孫賀以家財聘之曾孫因依倚廣漢計非也今依漢書

兄弟及祖母家史氏受詩於東海馭中翁師古曰姓漢字中翁高材好學然

亦喜游俠鬪鷄走狗以是具知閭里姦邪吏治得失數上下諸陵

周徧三輔嘗困於蓮勺鹵中漢志蓮勺縣屬左馮翊賈曰故城在同州下邽縣東北如流曰為人所困

厚也蓮勺縣有鹽池縱橫十餘里其鄉人名為鹵中尤樂杜邾之閒漢志杜縣屬京兆率常在

下村孟康曰下村在長安南師古曰即今之杜城居地志下杜城在雍州長安縣東南九里古杜伯國時會朝請

舍長安尚冠里支頴曰以屬第尚世故歲時從宗室朝會也師古曰尚冠者長安中里名帝會朝請之時即於此里

中止身足下有毛卧姑數有光耀每買餅所從買家輒大售亦以

此自怪及昌邑王廢霍光與張安世諸大臣議所立未定丙吉奏

記光曰將軍事孝武皇帝受襁褓之屬任天下之寄孝昭皇帝早

崩亡嗣海內憂懼欲亟聞嗣主發喪之日以大誼立後所立非其

人復以大誼廢之天下莫不服焉方今社稷宗廟羣生之命在將

軍之壹舉竊伏聽於眾庶察其所言諸侯宗室在列位者未有所

聞於民間也而遺詔所養武帝曾孫名病已在掖庭外家者晉灼曰出

邯鄲侯歸在外家史氏後入掖庭耳吉前使居郡邸見其幼少至今十八九矣通經

術有美材行安而節和願將軍詳大義參以普補註豈宜顯豈宜

豈顯四字宜作一句讀豈宜者疑而未定之辭舊計以豈宜二字為句非是先使入侍師古曰侍太后令天下

昭然知之然後決定大策天下幸甚杜延年亦知曾孫德美勸光

安世立焉秋七月光坐庭中會丞相以下議所立遂復與丞相傲

等上奏曰孝武皇帝曾孫病已年十八師受詩論語孝經躬行節

儉慈仁愛人，可以嗣孝。昭皇帝後，奉承祖宗廟子，萬姓臣昧死以

聞味死，冒死也。皇太后詔曰：可光遺宗正德。至曾孫家，尚冠里洗沐賜

御衣。太僕以輪獵車迎曾孫。文穎曰：輪獵，小車，前有曲輿，不衣近世謂之輪獵車。師古曰：時未備天子

車駕故且取其輕便耳。就齋宗正府。庚申，入未央宮，見皇太后，封為陽武侯。

志陽武縣，屬河南郡。已而羣臣奏上璽綬，即皇帝位，謁高廟。文謂高廟下

有尊皇太后為太皇太后九字，按漢書宣帝即位，皇太后歸長樂宮，未嘗尊為太皇太后也。至元帝即位，方尊為太皇太后耳。不知

通鑑何所本，宜去之。侍御史嚴延年劾奏大將軍光擅廢立，主無人臣禮，不

道奏，雖寢然朝廷肅然敬懼之。八月己巳，安平敬侯楊傲薨。

九月，大赦天下。戊寅，蔡義為丞相，義初以明經給事，大將軍幕

府，武帝召見，說詩說之，擢為光祿大夫。至是為丞相，時年已八十

餘，短小無須，眉貌似老嫗，行步俛僂，常兩吏扶夾，乃能行。議者或

言光置宰相不選賢材用可顯制者光聞而病之曰以爲人主師
當爲宰相何謂云云 初許廣漢女適皇曾孫一歲生子爽數月
曾孫立爲帝許氏爲婕妤是時霍將軍有小女與皇太后親公卿
議更立皇后皆心擬霍將軍女亦未有言上乃詔求微時故劍大
臣知指白立許婕妤爲皇后十一月壬子立皇后許氏霍光以后
父廣漢刑久不宜君國歲餘乃封爲昌成君 皇太后歸長樂宮
長樂宮初置屯衛 漢太后常居長樂宮皇太后自昌邑之
廢居未央宮今宣帝既立復歸長樂宮
中宗孝宣皇帝上之上 荀悅曰諱詢字次卿諱詢之字曰謀
應劭曰諱法聖善周問曰宣余據帝
本名病已元康二年乃更名詢 在位二十五年改元七
本始四地節四元康四神爵四五鳳四甘露四黃龍一
本始元年春詔有司論定策安宗廟功大將軍光益封萬七千
戶與故所食凡二萬戶車騎將軍富平侯安世以下益封者十人

封侯者五人賜爵關內侯者八人大將軍光稽首歸政上謙讓不受諸事皆先關白光然後奏御自昭帝時光子禹及兄孫雲皆為中郎將雲弟山奉車都尉侍中領胡越兵光兩女婿為東西宮衛尉昆弟諸婿外孫皆奉朝請為諸曹大夫騎都尉給事中黨親連體根據於朝廷及昌邑王廢光權益重每朝見上虛已斂容禮下之已甚胡越兵胡騎及越騎也東西宮衛尉長樂衛尉及未央衛尉也侍中得入禁中諸曹受尚書奏事給事中給事禁中皆加死前後賞賜黃金七千斤錢六十萬雜繒三萬匹奴婢百七十人馬二千匹甲第一區 夏四月庚午地震 五月鳳皇集膠東千乘赦天下勿收田租稅 六月詔曰故皇太子在湖未有號諡原太子死事見二歲時祠其議諡置園邑有司奏請禮為人後者為之子也故降其父母不得祭尊祖之義也陛下為孝昭帝後

承祖宗之祀愚以為親謚宜曰悼母曰悼后故皇太子謚曰戾史

良娣曰戾夫人皆改葬焉 秋七月詔立燕刺王太子建為廣陽

王立廣陵王胥少子宏為高密王 初上官桀與霍光爭權光既

誅桀遂遵武帝法度以刑法痛繩羣下由是俗吏皆尚嚴酷以為

能而河南太守丞淮陽黃霸獨用寬和為名上在民間時知百姓

苦吏急也聞霸持法平乃召為廷尉正數決疑獄庭中稱平廷尉

千石庭中漢書作廷中師古曰此廷中謂廷

尉之中也余謂通鑑作庭中言漢庭之中也 記本始二年春大司農田延年有罪自殺死是茂陵富人焦氏賈

氏以數千萬陰積貯炭葦諸下里物死者葬地下 昭帝大行時方

上事暴起方上事謂 用度未辦延年時為大司農奏言商賈或豫

收方上不祥器物冀其疾用欲以求利非民臣所當為請沒入縣

官奏可富人亡財者皆怨出錢求延年罪而當時大司農營葬事

使民車載沙送方上延年詐增儻直師古曰儻謂貨之與儻直也盜取錢三千

萬至是為焦贛兩家所告霍將軍召問延年欲為道地師古曰為

路使有安延年抵曰師古曰抵拒諱也無有是事光曰即無事當窮竟師古

日既無育事當令御史大夫田廣明謂太僕杜延年曰春秋之義

以功覆過公羊傳僖十七年夏滅項孰滅之是為不言齊滅之為桓公諱也桓公嘗有存亡繼絕之功故君子為

之當廢昌邑王時非田子賓之言大事不成延年字子賓今縣官出三

千萬自乞之何哉師古曰乞謂與之也哉疑辭何故猶曰何如也乞音氣願以愚言白大將

軍延年言之大將軍大將軍曰誠然實勇士也當發大議時震動

朝廷光因舉手自撫心曰使我至今病悻師古曰悻心動也謝曰大夫曉

大司農通往就獄得公議之師古曰曉者告白意指也通者從公家通理也光怒其拒諱故不佑之

田大夫使人語延年延年曰幸縣官寬我耳何面目入牢獄使眾人指笑我卒徒唾吾背乎即閉閣獨居齋舍偏袒持刀東西步數

日使者召延年詣廷尉聞鼓聲自刎死

晉灼曰使者至司農司農發詔書故鳴鼓也

夏五月詔曰孝武皇帝躬仁誼厲威武北征匈奴單于遠遜南平
氏羌昆明甌駱兩越京定叢豨朝鮮廓地斥境立郡縣百蠻率服
款塞自至珍貢陳於宗廟協音律造樂歌薦上帝封太山立明堂
改正朔易服色明開聖緒尊賢顯功興滅繼絕褒周之後備天地
之禮廣道術之路上天報貺符瑞竝應寶鼎出白麟獲海效巨魚
神人竝見山稱萬歲功德茂盛而廟樂未稱朕甚悼焉其與列侯
二千石博士議於是羣臣大議庭中皆曰宜如詔書長信少府夏
侯勝獨曰武帝雖有攘四夷廣土境之功然多殺士眾竭民財力

奢泰無度天下虛耗百姓流離物故者半蝗蟲大起赤地數千里
 或人民相食畜積至今未復無德澤於民不宜為立廟樂公卿其
 難勝曰此詔書也勝曰詔書不可用也人臣之誼宜直言正論非
 苟阿意順指議已出口雖死不悔於是丞相御史劾奏勝非議詔
 書毀先帝不道及丞相長史黃霸阿縱勝不舉劾俱下獄有司遂
 請尊孝武帝廟為世宗廟奏盛德文始五行之舞凡武帝巡狩所
 幸郡國皆立廟如高祖太宗焉附錄告祠世宗廟曰有白鶴巢後
 庭以立世宗廟告祠孝昭寢有雁
 五所巢殿前西河築世宗廟神光興於殿旁有鳥如白鶴前赤後
 青神光又興於房中如雲狀廣川國世宗廟殿上有鍾音世戶大
 開夜有光項侯勝黃霸既久繫霸欲從勝受尚書勝辭以罪死霸
 殿上盡明

曰朝聞道夕死可矣勝賢其言遂授之繫再更冬講論不忘 初
 烏孫公主死漢復以楚王戊之孫解憂為公主妻岑娶岑娶胡婦

于沉靡尙小岑娶且死以國與季父大祿子翁歸靡曰泥靡大以國歸之翁歸靡既立號肥王復尙楚主生三男兩女長男曰元貴靡次日萬年次日大樂昭帝時公主上書言匈奴與車師共侵烏孫唯天子幸救之漢養士馬議擊匈奴會昭帝崩上遣光祿大夫常惠使烏孫烏孫公主及昆彌皆遣使上書言匈奴復連發大兵侵擊烏孫使使謂烏孫趣持公主來欲隔絕漢昆彌願發國精兵五萬騎盡力擊匈奴唯天子出兵以救公主昆彌先是匈奴數侵漢邊漢亦欲討之秋大發兵遣御史大夫田廣明爲祁連將軍四萬餘騎出西河度遼將軍范明友三萬餘騎出張掖前將軍韓增三萬餘騎出雲中後將軍趙充國爲蒲類將軍三萬餘騎出酒泉雲中太守田順爲虎牙將軍三萬餘騎出五原期以出塞各二千

餘里以常惠為校尉持節護烏孫兵共擊匈奴

廢本始三年春正月癸亥恭哀許皇后崩時霍光夫人顯附錄魏明帝青

龍元年并州刺史畢軌送漢故度遼將軍范明友鮮卑奴年三百五十歲言語飲食如常人奴云霍顯乃光後小妻明友妻乃光前

妻女欲貴其小女成君道無從會許后當娠病女醫瀆于衍者霍氏

所愛嘗入宮侍皇后疾衍夫賞為掖庭戶衛掖庭戶衛掌衛掖庭門戶戶則主之也

謂衍可過辭霍夫人行為我求安池監安池池名監掌池之官衍如言報顯

顯因生心辟左右字謂衍曰少夫幸報我以事如瀆曰稱衍字曰少夫親之也晉灼

曰報我以事謂求池監也我亦欲報少夫可乎衍曰夫人所言何

等不可者顯曰將軍素愛小女成君欲奇貴之願以累少夫衍曰

何謂邪顯曰婦人免乳大故十死一生今皇后當免身可因投毒

藥夫也師古曰去謂除夫皇后也成君即為皇后矣如蒙力事成富貴與少夫

其之行曰藥雜治豈先嘗安可

師古曰與服醫共雜治之

顯曰在

少夫為之耳將軍領天下誰敢言者緩急相護但恐少夫無意耳

衍良久曰願盡力即持附子齋入長定宮皇后免身後衍取附子

并合太醫大丸以飲皇后

師古曰大丸今

有頃曰我頭岑岑也藥

中得無有毒

師古曰岑岑

對曰無有遂加煩懣衍出過見顯相

勞問亦未敢重謝衍後人有上書告諸醫侍疾無狀者皆收繫詔

獄劾不道顯恐急即以狀具語光因曰既失計為之無令吏急衍

光大驚欲自舉發不忍猶與會奏上光署衍勿論顯因勸光內其

女入宮

羸恭哀皇后於杜陵南園

戊辰五將軍發長安匈奴

聞漢兵大出老弱奔走歐產畜遺遁逃是以五將少所得夏五月

軍罷度遼將軍范明友出塞千二百餘里至蒲離候水

自張掖斬

首捕虜七百餘級前將軍韓增出塞千二百餘里至烏員自雲中

古曰烏員地名也斬首捕虜百餘級蒲類將軍趙充國出塞千八百餘里

西至候山自酒泉出塞斬首捕虜得單于使者蒲陰王以下三百餘級

聞虜已引去皆不至期還天子游其過寬而不罪祁連將軍田廣

引出塞千六百甲至鷄秩山自西河出塞斬首捕虜十九級逢漢使匈

奴還者冉宏等言鷄秩山西有虜眾祁連即戒宏使言無虜欲還

兵御史屬公孫益壽諫以為不可祁連不聽遂引兵還虎牙將軍

自順出塞八百餘里至丹餘吾水上自五原出塞即止兵不進斬首捕

虜千九百餘級引兵還上以虎牙將軍不至期詐增鹵獲而祁連

知虜在前逡巡不進皆下吏自殺擢公孫益壽為侍御史烏孫昆

彌自將五萬騎與校尉常惠從西方入至右谷蘇王庭獲單于父

行及媯居次

晉灼曰匈奴女媯若言公主也

名王犁汗都尉千長騎將以下四萬

級

犁汗都尉犁汗王之都尉也。古曰千長千人之長。

馬牛羊驢橐佗七十餘萬頭烏孫皆

自取所虜獲上以五將皆無功獨惠奉使克獲封惠為長羅侯

長羅侯

侯因屬陳留郡賢曰黃城在今滑州匡城縣東北

然匈奴民眾傷而去者及畜產遠移死

亡不可勝數於是匈奴遂衰耗怨烏孫上復遣常惠持金帛還賜

烏孫貴人有功者惠因奏龜茲國嘗殺校尉賴丹未伏誅請便道

擊之帝不許大將軍霍光風惠以便宜從事惠與吏士五百人俱

至烏孫還過發西國兵二萬人

自烏孫還所過西國皆發其兵

令

蒲使發龜茲東國二萬人

龜茲東國者龜茲以東之國

烏孫兵七千人從三面

攻龜茲兵未合先遣人責其王以前殺漢使狀王謝曰乃我先王

時為貴人姑翼所誤耳我無罪惠曰即如此縛姑翼來吾置王王

執姑翼詣惠惠斬之而還 大旱 六月己丑陽平節侯蔡義薨

陽平屬東郡

甲辰以長信少府韋賢爲丞相封扶陽侯賢爲人質朴少

欲篤志於學兼通禮尚書以詩教授號稱鄒魯大儒 以大司農

魏相爲御史大夫先是相爲揚州刺史考察郡國守相多所貶退

丙吉與相書曰朝廷已深知弱翁治行方且大用矣願少慎事自

重藏器於身相心善其言爲霹威嚴帝卽位徵爲大司農遷御史

大夫 冬匈奴單于自將數萬騎擊烏孫頗得老弱欲還會天大

雨雪一日深丈餘人民畜產凍死遺者不能什一於是丁令乘弱

攻其北烏桓入其東烏孫擊其西凡三國所殺數萬級馬數萬匹

牛羊甚眾又重以餓死人民死者十三畜產什五匈奴大虛弱諸

國孱弱者皆其解攻盜不能理其後漢出三千餘騎爲三道竝入

匈奴捕虜得數千人還匈奴終不敢取當師古曰當滋欲鄉和親者取其直

而邊境少事矣 是歲潁川太守趙廣漢為京兆尹潁川俗褻桀

相朋黨吏不能治廣漢為箠箠蘇林曰箠如箠可受投書孟康曰

古曰箠若今感錢箠為小孔可入而不可出或箠或箠皆為此制而用受書令投於中也○箠音項箠音同受民吏投

書使相告訐于是更相怨讐姦黨散落盜賊不敢發既而匈奴降

者言匈奴中皆聞廣漢名由是入為京兆尹廣漢遇吏殷勤甚備

事推功善歸之於下行之發於至誠吏咸願為用僇仆無所避廣

漢聰明皆知其能之所宜盡力與否其或負者輒先聞之風諭不

改乃收捕之無所逃案之罪立具即時伏辜尤善為鈞距以得事

情鈞距者設欲知馬價則先問狗已問羊又問牛然後及馬參伍

其價以類相準則知馬之貴賤不失實矣惟廣漢至精能行之他

人效者莫能及也 蘇林曰鈞得其情使不得去也晉灼曰鈞致也

由以閉其術為距也 師古曰晉說是也 郡中盜賊閭里輕依其根株窟穴所在及吏

受取請求銖兩之姦皆知之長安少年數人會窮里空舍 師古曰窮里里

中之極 謀共劫人坐語未訖廣漢使吏捕治具服嘗記召湖都亭

長 記書也記召者以手書召之也 湖都亭長西至界上界上亭長戲曰至府為我

多謝問趙君亭長既至廣漢與語問事畢謂曰界上亭長寄聲謝

我何以不為致問亭長叩頭謝實有之廣漢因曰還為我謝界上

亭長勉思職事有以自效京兆不忘卿厚意其發姦擗伏如神京

兆政清吏民稱之不容口長老傳以為自漢興治京兆者莫能及

辭本始四年春三月乙卯立霍光女為皇后赦天下初許后起微

賤登至尊日淺從官車服甚節儉五日一朝皇太后於長樂宮親

奉案上食以婦道供養及霍后立亦脩許后故事而皇太后親霍后之姊子故常竦體敬而禮之皇后舉駕侍從甚盛賞賜官屬以

千萬計與許后時縣絕矣 夏四月壬寅郡國四十九同日地震

或山崩水出壞城郭室屋殺六千餘人北海瑯邪塚祖宗廟

景帝令郡國各立太祖高皇帝廟太宗文皇帝廟 詔丞相御史與列侯中二千石博問經學

之士有以應變母有所諱令三輔太常內郡國舉賢良方正各一

人大赦天下上素服避正殿五日釋夏侯勝黃霸以勝為陳大夫

給事中勝既出令左馮翊宋畸舉霸賢良又口薦霸於上上遂擢

霸為揚州刺史勝為人質樸守正簡易無威儀或時謂上為君誤

相字於前師古曰前天子之前也君前臣名不當相呼字也 上亦以是親信之嘗見出道

上語師古曰人見天子而上語以真言為外人道之 上聞而讓勝勝曰陛下所言善臣故揚

之堯言布於天下至今見誦臣以為可傳故傳耳朝廷每有大議

上知勝素直謂曰先生建正言無懲前事前事謂坐讓前樂事勝復為長信

少府後遷太子太傅年九十卒太后賜錢二百萬為勝素服五日

以報師傅之恩儒者以為榮勝初教授於邠常謂諸生曰士病不

明經術經術苟明其取青紫如俯拾地芥耳學經不明不如歸耕

五月鳳皇集北海安邱濱于安邱濱于二縣皆屬北海郡安邱春秋時之渠邱濱于春秋之州國

廣川王去坐殺其帥及姬妾十餘人或銷鉛錫灌口中或支解

并毒藥養之令糜盡廢徙上庸自殺廣川王去景帝子廣川惠王其之孫

壬地節元年應劭曰以先者地震山崩亦出於是改元曰地節蓋合地得其節春正月有星孛於

西方 楚王延壽景帝立平陸侯禮為楚王奉元王後傳子道孫注曾孫純延壽純之子也以廣陵王

衍武帝子天下有變必得立陰附助之為其後母弟趙何齊取廣

陵王女爲妻因使何齊奉書遺廣陵王曰願長耳目

師古曰言常伺聽勿失機

也母後人有天下師古曰方爭天下勿使在人後何齊父長年上書告之事下有

司考驗辭服冬十一月延壽自殺胥勿治 十二月癸亥晦日有

食之 是歲以于定國爲廷尉定國決疑平法務在哀憐寡罪疑

從輕加審慎之心朝廷稱之曰張釋之爲廷尉天下無冤民于定

國爲廷尉民自以不冤定國少學法令未有經學既爲廷尉乃迎

師學春秋身執經北面備弟子禮爲人謙恭尤重經術士雖卑賤

徒步往過定國皆與鈞禮恩敬甚備學士咸稱焉

五年地節二年春霍光病篤車駕自臨問上爲之涕泣光上書謝恩

願分國邑三千戶以封兄孫奉車都尉山爲列侯奉兄去病祀

去霍病封冠軍侯子嬭嗣封薤無後 即日拜光子禹爲右將軍三月庚

申除散光乞分國邑以封其孫

午光薨上及皇太后親臨光喪天中大夫任宣與侍御史五人持

節護喪裏中二千石治冢賜金錢繪絮繡被百領衣五十箇璧珠

璣玉衣梓宮使房黃腸題湊各一具椁木外臧柳十五具東園溫

明皆如乘輿制度載光尸柩以輜輶車黃屋左纛發材官輕車北

軍五校士軍陳至茂陵以送其葬諡曰宣成侯發三河卒穿復土

置園邑三百家長丞奉守下詔復其後世疇其爵邑補註漢律始封者既卒則

後世襲封者邑戶十減其二時者等也言不復減世世無有所與既而光夫人顯改光時

所自造塋制而侈大之起三出闕築神道北臨昭靈南出承恩昭

高祖母家園也承恩宜平侯家園也盛飾祠堂闕通屬永巷而幽良人婢妾守之

御史大夫魏相上封事言事而不欲宣洩重封上之故曰封事漢官曰凡章表皆啟封其言密事則曰封事

曰聖主褒有德以懷萬方顯有功以勸百寮是以朝廷尊榮天下

劉風國家新失大將軍宜顯明功臣以填藩國毋空大位以塞爭
權所以安社稷絕未萌也車騎將軍安世事孝武皇帝三十餘年
忠信謹厚勤勞政事夙夜不怠與大將軍定策天下受其福國家
重臣也宜尊其位以為大將軍毋令領光祿勳事使專精神憂念
天下思惟得失安世子延壽重厚可以為光祿勳上亦欲用之安
世聞指懼不敢當請開求見免冠頓首曰老臣耳妄聞言之為先
事不言情不達誠自量不足以居大位繼大將軍後唯天子財哀
以全老臣之命上笑曰君言太謙君而不可尚誰可者夏四月戊

申以安世為大司馬車騎將軍領尚書事

考異曰百官表地節三年四月戊申張安世為

大司馬七月戊戌更為衛將軍霍禹為大司馬七月壬辰禹妻新
荀紀三年四月戊辰安世為大司馬按明年四月無步辰七月無
戊戌又不當再言七月以宣紀張安世霍光傳考之安世為司馬
當在今年為衛將軍當在明年十月禹死在四年七月蓋年表旁

行通連書之 鳳皇集魯羣鳥從之大赦天下 上思報大將軍

德乃封光兄孫山為樂平侯使以奉車都尉領尚書事魏相因昌

成君許廣漢奏封事言春秋譏世卿公羊傳三年夏四月辛卯尹氏卒尹氏者何天子之大

夫也其稱尹氏何貶也為 魯宋三世為大夫公羊傳曰宋三世無大夫三世內取也

古曰三世謂襄公成公昭公也內魯自季友立及魯季孫之專權

東門氏意如逐昭公世專魯國至哀皆危亂國家自後元以來祥

去王室政由冢宰今光死子復為右將軍兄子秉樞機謂領尚書

機近要之官也春秋運斗樞曰北昆弟諸壻據權勢在兵官光夫

人顯及諸女皆通籍長信宮應劭曰籍者謂二尺竹牒記其年紀

也或夜詔門出入驕奢放縱恐浸不制宜有以損奪其權破散陰

謀以固萬世之基全功臣之世又故事諸上書者皆為二封署其

一曰副領尙書者先發副封所言不善屏去不奏相復因許伯白去副封以防壅蔽帝善之詔相給事中皆從其議 帝興於閭閻

知民事之艱難霍光既薨始親政事厲精爲治五日一聽事自丞

相以下各奉職奏事以敷奏其言考試功能侍中尙書功勞當遷

及有異善厚加賞賜至於子孫終不改易師古曰言各久其事也

賜逮及子孫也非謂侍中尙書官至於子孫不改易也樞機周密品式備具上下相安莫有苟

且之意及拜刺史守相輒親見問觀其所由退而考察所行以質

其言有名實不相應必知其所以然常稱曰庶民所以安其田里

而無歎息愁恨之心者政平訟理也與我共此者其惟良二千石

乎師古曰謂郡守備後相以爲太守吏民之本數變易則下不安民知其將

久不可欺罔乃服從其教化故二千石有治理效輒以璽書勉厲

增秩賜金或爵至關內侯公卿缺則選諸所表以次用之師古曰所表謂

增秩賜金爵也是以漢世良吏於是為盛稱中興焉 匈奴壹衍鞮單于

死弟左賢王立為虛閭權渠單于以右大將女為大閼氏而黜前

單于所幸顛渠閼氏顛渠閼氏單于之元妃也其次為大閼氏顛渠閼氏父左大且渠

怨望是時漢以匈奴不能為邊寇罷塞外諸城以休百姓單于聞

之喜召貴人謀欲與漢和親左大且渠心害其事曰前漢使來兵

隨其後今亦效漢發兵先使使者入乃自請與呼盧訾王各將萬

騎南旁塞獵相逢俱入行未到會三騎亡降漢言匈奴欲為寇於

是天子詔發邊騎屯要害處使大將軍軍監治眾等四人師古曰治眾者

軍監之名余據將五千騎分三隊出塞各數百里捕得虜各數十

人而還時匈奴亡其三騎不敢入即引去是歲匈奴饑人民畜產

死什六七又發兩屯各萬騎以備漢其秋匈奴前所得西嚙居左
地者孟康曰嚙匈奴種余謂西嚙自是一種為匈奴所得使居左地耳非匈奴種也○嚙音辱其君長以下數
千人皆驅畜產行與甌脫戰所殺傷甚眾遂南降漢

資治通鑑補卷二十四終

資治通鑑補卷第二十五

宋陳水司馬光編集

後學天台胡三省音註

明

後學吳郡嚴衍補

後學吳郡談允厚參

漢紀十七

起地節三年盡元
康四年凡六年

中宗孝宣皇帝上之下

地節三年春三月詔曰蓋聞有功不賞有罪不誅雖唐虞不能
化天下今膠東相王成勞來不怠流民自占八萬餘口治有異等
之效其賜成爵關內侯秩中二千石未及徵用會病卒官後詔使
丞相御史問郡國上計長史守丞以政令得失頁父曰郡使守丞
國史長史皆一物
或對或對
守長史如郡丞又邊郡有丞元有長史長史上計無疑矣

言前膠東相成偽自增加以蒙顯賞是後俗吏多為虛名云 夏

四月戊申立子爽為皇太子以丙吉為太傅太中大夫疏廣為少

傅考異曰荀紀立皇太子在去年四月戊申漢書舊本亦然顏師古據薛瓌及丙吉傳並云地節三年立皇太子知在此年者

也封太子外祖父許廣漢為平恩侯平恩侯國屬魏郡宋白曰魏為縣屬廣平郡唐屬昭州有

平恩又封霍光兄孫中郎將雲為冠陽侯霍顯聞立太子怒志不

食歐血曰此乃民間時子安得立即后有子反為王邪復教皇后

令毒太子皇后數召太子賜食係阿輒先嘗之係阿者作母與阿母也后挾

毒不得行 五月甲申丞相賢以老病乞骸骨賜黃金百斤安車

駟馬罷就第丞相致仕自賢始六月壬辰以魏相為丞相辛丑丙

吉為御史大夫疏廣為太子太傅廣兄子受為少傅廣東海蘭陵

人也少好學明春秋居家教授學者自遠方至受好禮恭敬敏而

有辭及傅太子太子每朝見太傅在前少傅在後父子並爲師傅

朝廷以爲榮太子外祖父平恩侯許伯以爲太子少白使其弟中

郎將舜監護太子家

許伯卽廣漢稱伯者蓋尊之也

上以問廣廣對曰太子國儲

副君師友必於天下英俊不宜獨親外家許氏且太子自有太傅

少傅官屬已備今復使舜護太子家示陋非所以廣太子德於天

下也上善其言以語魏相相免冠謝曰此非臣等所能及廣由是

見器重

京師大雨雹大行丞蕭望之上疏言陛下以聖德居位

思政求賢堯舜之用心也然而善祥未臻陰陽不和是大臣任政

一姓專權之所致也附枝大者賊本心私家盛者危公室唯明主

躬萬機選同姓舉賢材以爲腹心以參政謀令公卿大臣朝見奏

事明陳其職以考功能如是則庶事理公道立姦邪塞私權廢矣

望之東海人也家世以田爲業至望之好學治齊詩事同縣后倉且十年以令詣太常受業復事同學博士白奇又從夏侯勝問論語禮服京師諸儒稱述焉是時霍光秉政長史丙吉薦儒生王仲翁與蕭望之數人皆召見時上官桀等謀殺光光既誅之出入自備吏民當見者露索去刀兵兩吏挾持望之獨不可聽自引出閣曰不願見吏牽持匈匈光聞之告吏勿持望之既至責光待士無禮故光獨不除用望之而仲翁等皆補大將軍史三歲閒仲翁至光祿大夫給事中而望之猶爲郎署小苑東門候仲翁出入從倉頭廬兒下車趨門傳呼甚寵顧謂望之曰不可碌碌反抱關爲望之曰各從其志至是上書求見帝自在民間已聞其名曰此東海蕭生邪及對奏拜爲謁者時上博延賢俊民多上書言便宜輒下

望之問狀高者請丞相御史次者中二千石試事滿歲以狀聞謂

者則請丞相御史試事次者中二千石試事滿歲則各以狀聞奏也下者報聞罷其言不可用故

也里所白處奏皆可冬十月詔曰乃者九月壬申地震朕甚懼焉

有能餒朕過失及賢良方正直言極諫之士以匡朕之不逮毋諱

有司李奇曰諱避也雖有司在朕既不德不能附遠是以邊境屯

戍未息今復飭兵重屯久勞百姓非所以綏天下也其罷車騎將

軍右將軍屯兵又詔池籩未御幸者假與貧民蘇林曰折竹以編

得往來律名爲籩又應劭曰池者郡國官館勿復修治流民還歸

者假公田貸種食且勿算事師古曰不出算霍氏驕侈縱橫太

夫人顯廣治第室作乘輿釐加畫繡網馬黃金塗章絮薦輪如酒

即茵馮謂所馮者也以黃金塗飾之謂古曰茵也以紉爲網馮

而黃金塗於箄也晉灼曰御輦以韋緣輪著之以絮師古曰取其

資治通鑑補

卷之十五

漢紀十七

三

恩補樓

行安不待婢以五采絲輓顯游戲第中師古曰輓謂牽引車輦也初霍光愛幸

監奴馮子都常與計事及顯寡居與子都亂而禹山亦竝繕治宅

第走馬馳逐平樂館雲當朝請數稱病私出多從賓客張園獵黃

山苑中使食頭奴上朝謁

文穎曰朝當用謁不自行而令奴上謁者也師古曰上謁若今參見尊貴而通

也莫敢譴者顯及諸女晝夜出入長信宮殿中亡期度帝自在民

間聞知霍氏尊盛日久內不能善既躬親朝政御史大夫魏相給

事中顯謂禹雲山女曹不務奉大將軍餘業今大夫給事中他人

壹閒女能復自救邪後兩家奴爭道

師古曰曹霍氏及御史家

霍氏奴入御史

府欲踰大夫門

師音踏

御史為叩頭謝乃去人以謂霍氏顯等始知

憂會魏大夫為丞相數燕兒言事平恩侯與侍中金安上等徑出

入省中時霍山領尚書上令吏民得奏封事不關尚書羣臣進見

獨往來得盡言於上也是霍氏甚惡之上頗聞霍氏毒殺許后

而未察乃徙光女婿度遼將軍未央衛尉平陵侯范明友為光祿

勳出次婿諸吏中郎將羽林監任勝為安定太守數月復出光姊

婿給事中光祿大夫張朔為蜀郡太守羣孫婿中郎將王漢為武

威太守頃之復徙光長女婿長樂衛尉鄧廣漢為少府戊戌罷車

騎將軍屯兵更以張安世為衛將軍兩宮衛尉城門北軍兵屬焉

兩宮未央長樂也城門京城十二門屯兵也北軍北軍八校兵也以霍禹為大司馬冠小冠大司馬大

將軍冠武弁大冠今亡印綬罷其屯兵官屬特使禹官名與光俱

大司馬者蘇林曰特但也又收范明友度遼將軍印綬但為光祿勳光中

女婿趙平為散騎騎都尉光祿大夫將屯兵又收平騎都尉印綬

散騎騎都尉以騎都尉而加散騎官也百官表云散騎中常侍皆加官中常侍得入禁中散騎騎並乘輿車如清日自列候下至郎

中皆得有散騎及中常侍加官是時 諸領胡越騎羽林及兩宮衛

散騎及中常侍各自一官無員也 將屯兵悉易以所親信許史子弟代之禹為大司馬稱病禹故長

史任宣侯問禹曰我何病縣官非我家將軍不得至是今將軍墳

墓未乾盡外我家反任許史奪我印綬令人不省死

令人不省死言台人雖死

不解其故或曰死者極口之辭 宣見禹恨望深乃謂曰大將軍持國

權柄殺生在手廷尉李种王平左馮翊賈勝胡及車丞相女壻少

府徐仁皆坐逆將軍竟下獄死使樂成小家子得幸將軍至九卿

封侯百官以下但事馮子都王子方等視丞相亡如也各自有時

今許史自天子骨肉實正宜耳大司馬用是為怨恨愚以為不可

禹默然起視事 初孝武之世徵發煩數百姓貧耗窮民犯法姦

軌不勝於是使張湯趙禹之屬條定法令作見知故縱監臨部主

之法

師古曰見知人犯法不舉告為故縱而所監臨部主有罪併連坐之也

緩深故之罪

孟康曰孝武欲急刑

吏深害及故入人罪者皆寬赦之也

急縱出之誅

師古曰吏釋罪人疑以為縱出則急誅之

其後姦猾巧

法轉相比況禁罔寔密律令煩苛文書盈於几閣典者不能徧觀

是以郡國承用者駁

師古曰不曉其旨用處不同也

或罪同而論

異姦吏因緣為市所欲活則傅生讓

傅與附同

所欲陷則予死比議者

咸冤傷之廷尉史路溫舒上書言宜尚德緩刑其辭曰臣聞齊月

無知之禍而桓公以興

齊襄公為公子無知所殺雍廩復殺無知齊國大亂桓公自莒入立

姬之難而文公用伯

晉獻公信驪姬之讒殺世子申生逐公子重耳夷吾而立驪姬之子奚齊卓子皆為里克

所殺夷吾入立復為秦所執既而歸之卒而子圉秦秦納重耳子圉死而文公遂霸諸侯

近世趙王不終諸呂

作亂而孝文為太宗繇是觀之禍亂之作將以開聖人也夫繼變

亂之後必有異養之恩此賢聖所以昭天命也往者昭帝即世無

考心正遠... 宣帝... 三年... 五

嗣昌邑淫亂乃皇天所以開至聖也臣聞春秋正即位大一統而

慎始也陛下初登至尊與天合符宜改前世之失正始受命之統

滌煩文除民疾以應天意臣聞秦有十失其一尚存治獄之吏是

也秦之時羞文學好武勇賤仁義之士貴治獄之吏正言者謂之

誹謗過過者謂之妖言故盛服先王不用於世忠良切言皆鬱於

胸譽諛之聲日滿于耳虛美熏心實禍蔽塞此乃秦之所以亡天

下也秦有十失一羞文學二好武勇三賤仁義四貴獄吏五罪誹謗六禁妖言七盛服先王不用於世八忠良切言皆鬱於胸

九存虛譽十蒙實禍方今天下賴陛下恩厚亡金革之危飢寒之患父子夫

妻戮力安家然太平未洽者獄亂之也夫獄者天下之大命也死

者不可復生絕者不可復屬書曰與其殺不辜甯失不經今治獄

吏則不然上下相毆以刻為明深者獲公名平者多後患故治獄

之吏皆欲人死非憎人也自安之道在人之死是以死人之血流

離於市被刑之徒比肩而立大辟之計歲以萬數此仁聖之所以

傷也太平之未洽凡以此也夫人情安則樂生痛則思死擿楚之

下何求而不得故囚人不勝痛則飾辭以示之吏治者利其然則

指導以明之上奏畏卻則鍛鍊而周內之師古曰卻退也蓋奏當

之成師古曰常謂雖皋陶聽之猶以為死有餘辜何則成鍊者眾

文致之罪明也故俗語曰蓋地為獄議不入刻木為吏期不對師

日語獄木吏尚不此皆疾吏之風悲痛之辭也臣聞烏鳶之卵不

毀而後鳳皇集誹謗之罪不誅而後良言進故古人有言山藪藏

疾川澤納汗瑾瑜匿瑕國君含垢唯陛下省法制寬刑罰則太平

之風可興於世上善其言溫舒鉅鹿東里人也父使牧羊溫舒取

澤中蒲截以為牒編用寫書稍習善求為獄小吏因學律令轉為獄史縣中疑事皆問焉太守行縣見而異之署決曹史又受春秋

通大義舉孝廉 十二月詔曰閒者吏用法巧文淺深是朕之不

德也夫決獄不當使有罪與邪不辜蒙戮父子悲恨朕甚傷之今

遣廷史與郡鞠獄任輕祿薄如直日廷史廷尉史也其為置廷尉平秩六百

石員四人其務平之以稱朕意於是每季秋後請讞時上常幸宣

室齋居而決事晉灼曰未央宮中有宣室殿獄刑號為平矣涿郡

太守鄭昌上疏言聖王置諫諍之臣者非以崇樂防逸豫之生也

立法明刑者非以為治救衰亂之起也今明主躬垂明聽雖不置

廷平獄將自正若開後嗣不若刪定律令律令一定愚民知所避

姦吏無所弄矣今不正其本而置廷平以理其末政衰聽怠則廷

平將召權而為亂首矣 昭帝時匈奴使四千騎田車師及五將

軍擊匈奴車師田者驚去車師復通於漢匈奴怒召其太子軍宿

欲以為質軍宿焉者外孫不欲質匈奴亡走焉者車師王更立子

烏賁為太子及烏賁立為王與匈奴結婚姻教匈奴遮漢道通烏

孫者是歲侍郎會稽鄭吉與校尉司馬憲將免刑罪人田渠犂積

穀罪人免其刑使屯田發城郭諸國兵萬餘人西域諸國有運水草與匈奴同俗者謂之行國其城居者

謂之城郭與所將田士千五百人共擊車師破之車師王請降匈

奴發兵攻車師吉憲引兵北逢之匈奴不敢前吉憲即留一候與

卒二十人留守王吉等引兵歸渠犂考異曰西域傳云地節二年以匈奴傳校之知在三年

車師王恐匈奴兵復至而見殺也乃輕騎犇烏孫吉即迎其妻子

傳送長安匈奴更以車師王昆弟兜莫為車師王收其餘民東徙

不敢居故地而鄭吉始使吏卒三百人往田車師地以寶之為下元康

二年匈奴爭車師張本 上自即位後數遣使者求外家時既久遠所傳多

似類而非是是歲求得外祖母王媪及媪男無故媪音無故弟武

嘗隨使者詣闕帝令太中大夫任宣與丞相御史屬雜考問鄉里

識知者皆曰王媪媪言名妄人媪音家本涿郡蠡吾平鄉年十四

嫁為同鄉王更得妻更得死嫁為廣望王迺始婦產子男無故武

女翁須翁須年八九歲時寄居廣望節候子劉仲卿宅仲卿謂迺

始曰予我翁須自養長之媪為翁須作縑單衣送仲卿家仲卿即

教翁須歌舞往來歸取冬夏衣居四五歲翁須來言邯鄲賈長兒

求歌舞者仲卿欲以我與之媪即與翁須逃走之平鄉仲卿載迺

始其求媪媪惶急將翁須歸曰兒居君家非父一錢也奈何欲與

他人仲卿詐曰不也後數日翁須乘長兒車馬過門呼曰我果見

行當之柳宿柳宿名也媼與迺始之柳宿見翁須相對涕泣謂曰我

欲為汝自言洋人謂與翁須曰母置之母音何家不可以居自言

無益也媼與迺始還求錢用隨逐至中山盧奴見翁須與歌舞等

比五人同處等此猶言等輩媼與翁須共宿明日迺始爾視翁須

媼還求錢欲隨至邯鄲媼歸糶買未具迺始來歸曰翁須已去我

無錢用隨也自此與父母音問絕又問買長兒妻貞及從者師遂

辭云往二十歲太子舍人侯明從長安來求歌舞者請翁須等五

人長兒使遂送至長安皆入太子家及廣望三老更始劉仲卿妻

其等四十五人辭皆驗上乃召見賜無故武爵關內侯旬月閒賞

賜以鉅萬計初王媼之來乘黃牛車民間盡稱為黃牛媼而王翁

迺始死已四年矣

乙地節四年春二月賜外祖母號為博平君 據外戚傳以博平君

地理志博平 封舅無故為平昌侯 平昌侯國屬平原郡 武為樂昌侯 樂昌侯國屬東郡

詔曰導民以孝則天下順今百姓或遭衰經凶災而吏徭事

使不得葬傷孝子之心朕甚憐之自今諸有大父母父母喪者勿

徭事使得收斂送終盡其子道 夏五月山陽濟陰雨雹如鷄子

深二尺五寸殺二十餘人飛鳥皆死 詔曰父子之親夫婦之道

天性也雖有禍患猶蒙死而存之誠愛結於心仁厚之至也豈能

違之哉自今子有匿父母妻匿夫孫匿大父母皆勿治 立廣川

惠王孫文為廣川王 本始四年廣川王去以罪 自是今復立文嗣封王 遣顯及禹山雲

自見日侵削數相對啼泣自怨山曰今丞相用事臨官信之盡變

易大將軍時法令發揚大將軍過失又諸儒生多婁人子遠客饑寒喜妄說狂言不避忌諱大將軍常健之今陛下好與諸儒生語人人自便書封事多言我家者嘗有上書言我家昆弟驕恣其言絕痛山屏不奉後上書者益結密奏封事輒使中書令出取之不關尚書益不信人又聞民間謔言霍氏毒殺許皇后甯有是邪顯恐急卽具以實告禹山雲禹山雲驚曰如是不早告禹等縣官雖散斥逐諸壻用是故也此大事誅罰不小奈何於是始有邪謀矣雲舅李竟所善張赦見雲家卒卒急遽之意謂竟曰今丞相與平恩侯用舉可令太夫人言太后太夫人謂霍顯上官太后霍氏外孫也先誅此兩人移徙陛下在太后耳長安男子張章告之事下廷尉執金吾捕張赦等後有詔止勿捕山等愈恐相謂曰此縣官重太后故不竟也然

惡端已見久之猶發發即族矣不如先也遂令諸女各歸報其夫

皆曰安所相避會李竟坐與諸侯王交通辭語及霍氏有詔雲山

不宜宿衛免就第山陽太守張敞上封事曰臣聞公子季友有功

於魯趙衰有功於晉田完有功於齊皆疇其官邑延及子孫終後

田氏篡齊趙氏分晉季氏顯魯魯公子季友後廢父立信公以安魯國遂世為上卿專魯國之政皆

公子重耳出亡趙衰從及其反歸伯諸侯衰皆有功遂世為首卿

有軍亡主趙衰送與智韓魏分晉國田完自陳齊齊桓公禮而用

之桓公之伯完與有功其後陳威子得齊國之政至田和遂篡齊而有之故仲尼作春秋述盛衰護世

卿最甚乃者大將軍決大計安宗廟定天下功亦不細矣夫周公

七年耳周公輔成王七年而大將軍二十歲而大將軍二十歲自武帝後元二年至地節二年道二十歲

海內之命斷於掌握方其隆盛時感動天地侵迫陰陽朝臣宜有

明言曰陛下葵寵故大將軍以報功德足矣閉者輔臣顯政貴戚

太盛君臣之分不明請罷霍氏三侯皆就第及衛將軍張安世宜
賜几杖歸休時存問召見以列侯爲天子師明詔以恩不聽羣臣
以義固爭而後許之天下必以陛下爲不忘功德而朝臣爲知禮
霍氏世世無所患苦今朝廷不聞直聲而令明詔自親其文非策
之得者也今兩侯已出人情不相遠以臣心度之大司馬及其枝
屬必有畏懼之心夫近臣自危非完計也臣做願於廣朝白發其
端直守遠郡直讀日直其路無由天心之精微口不能言也言之微眇
書不能文也故伊尹五就桀五就湯蕭相國薦淮陰累歲乃得通
況乎千里之外因書文論事指哉唯陛下省察上甚善其計然不
召也禹山等家數有妖怪顯夢第中井水溢流庭下竈居樹上第
中鼠暴多與人相觸以尾畫地鴉數鳴殿前樹上第門自壞雲尙

冠里宅中門亦壞蒼端人共見有人居雲屋土徹瓦投地就視無有大怪之舉家憂愁山曰丞相擅滅宗廟羔菟鼈可以此罪也如

曰高后時定令輒有擅議宗廟者棄市師古曰羔菟鼈所以供祭也謀令太后為博平君置酒召丞

相平恩侯以下使范明友鄧廣漢承太后制引斬之因廢天子而

立禹約定未發雲拜為元菟太守太中大夫任宣為代郡太守會

事發覺秋七月雲山明友自殺黷禹廣漢等捕得禹要斬顯及諸

女昆弟皆棄市與霍氏相連坐誅滅者數十家太僕杜延年以霍

氏舊人亦坐免官金日磾子賞亦霍光壻霍氏有事萌芽尤上書

去妻上哀之獨得不坐八月己酉皇后霍氏廢處昭臺宮師古曰在上林苑

苑乙丑詔封告霍氏反謀者男子張章期門董忠左曹楊惲侍中

金安上史高皆為列侯章為博成侯忠高昌侯惲平通侯安上為都成侯高為樂陵侯○惲音蕞 惲丞

相傲子安上車騎將軍日暉弟子高史良娣兒子也初霍氏奢侈
茂陵徐生曰霍氏必亡夫奢則不遜不遜則侮上侮上者逆道也
在人之右眾必害之霍氏秉權日久害之者多矣天下害之而又
行以逆道不亡何待乃上疏言霍氏泰盛陛下卽愛厚之宜以時
抑制無使至亡書三上輒報聞漢制上書不行者輒報聞罷其後霍氏誅滅而
告霍氏者皆封人爲徐生上書曰臣聞客有過主人者見其壺直
突傷有積薪客謂主人更爲曲突遠徙其薪不者且有火患主人
默然不應俄而家果失火鄰里共救之幸而得息於是殺牛置酒
謝其鄰人灼爛者在於上行餘各以功次坐而不錄言曲突者人
謂主人曰鄉使聽客之言不費牛酒終亡火患今論功而請資曲
突徙薪無恩澤焦頭爛額爲上客邪主人乃寤而請之今茂陵徐

福數上書言霍氏且有變宜防絕之鄉使福說得行則國無裂土
出爵之費臣無逆亂誅滅之敗往事既已而福獨不蒙其功唯陛
下察之貴徙薪曲突之策使居焦髮灼爛之右上乃賜福帛十匹
後以爲郎帝初立謁見高廟大將軍光驂乘上內嚴懼之若有芒
刺在背後車騎將軍張安世代光驂乘天子從容肆體甚安近焉
及光身死而宗族竟誅汝俗傳霍氏之禍萌於驂乘後二十歲霍
后復徙雲林館乃自殺初張安世長子千秋與霍光子禹俱爲中
郎將將兵隨度遼將軍范明友擊烏桓還謁大將軍光問千秋戰
鬪方略山川形勢千秋口對兵事畫地成圖無所忘失光復問禹
禹不能記曰皆有文書光是賢千秋以禹爲不材嘆曰霍氏世
衰張氏興矣及禹誅滅而安世子孫相繼貴盛

班固贊曰霍光受襁褓之託任漢室之寄匡國家安社稷擁昭立宣雖周公阿衡何以加此然光不學亡術闇於大理陰妻邪謀立女爲后湛溺盈溢之欲以增顛覆之禍死財三年宗族誅夷哀哉

臣光曰霍光之輔漢室可謂忠矣然卒不能庇其宗何也夫威福者人君之器也人臣執之久而不歸鮮不及矣以孝昭之明十四而知上官桀之詐固可以親政矣況孝宣十九卽位聰明剛毅知民疾苦而光久專大柄不知避去多置私黨充塞朝廷使人主蓄憤於上吏民積怨於下切齒側目待時而發其得免於身幸矣況子孫以驕侈趣之哉雖然鼻使孝宣專以祿秩賞賜富其子孫使其食大縣奉朝請亦足以報盛德矣乃復任之

以政授之以兵及事叢費積更加裁奪遂至怨懼以生邪謀豈

徒霍氏之自禍哉亦孝宣醞釀以成之也昔鬪椒作亂於楚若

敖之支庶莊王滅其族而赦餽尹克黃以為子文無後何以勸

善事見左傳宣四年子文鬪穀於薨也餽尹楚官名克黃子文之孫夫以顯禹雲山之罪雖應

夷滅而光之忠勳不可不祀遂使家無唯類孝宣亦少恩哉

九月詔減天下鹽賈又令郡國歲上繫囚以掠笞若瘐死者蘇林曰瘐

病也囚徒病律名為瘐如瘠曰律囚以飢寒而死曰瘐師古曰瘐

病是也此言囚或以掠笞及飢寒及疾病而死如說非也緣木紀

瘐死上有所坐名縣爵里師古曰名者其人名也縣所屬縣也丞

相御史課殿最以聞 十二月清河王年坐內亂廢遷房陵武帝元光

三年立清河王義以嗣 是歲北海太守廬江朱邑以治行第一

入為大司農 勃海太守冀遂入為水衡都尉先是勃海左右郡

代孝王後年義之孫也

歲饑盜賊竝起二千石不能禽制上選能治者丞相御史舉故昌
邑郎中令翼遂上拜爲勃海太守召見問何以治勃海息其盜賊
對曰海瀕遐遠不霑聖化其民困於飢寒而吏不恤故使陛下赤
子盜弄陛下之兵於潢池中耳潢水今欲使臣勝之邪將安之也
時遂年七十餘又形容短小帝望見不副所聞心內輕焉及聞所
對乃甚悅蒼曰選用賢良固欲安之也遂曰臣聞治亂民猶治亂
繩不可急也唯緩之然後可治臣願丞相御史且無拘臣以文法
得一切便宜從事上許焉加賜黃金贈遺藥傳至勃海界郡閭新
太守至發兵以迎遂皆遣還移書敕屬縣悉罷捕逐盜賊吏諸持
鉏鉤田器者鉏鉤田器者鉏鉤也皆爲良民吏毋得問持兵者乃爲賊遂單車
獨行至府盜賊聞遂教令卽時解散棄其兵弩而持鉏鉤於是悉

平民安土樂業遂乃開倉廩假貧民選用良吏尉安牧養焉遂見

齊俗奢侈好末技不田作乃躬率以儉約勸民務農桑令民口種

一樹榆百本麵五十本葱一畦韭家二母雞五鷄
五鷄當是五司

排字故不民有帶持刀劍者使賣劍買牛賣刀買犄曰何為帶牛

佩犢勞來循行郡中皆有蓄積獄訟止息數年上遣使徵遂議曹

王生願從功曹以王生素嗜酒亡節度不可使遂不忍逆從至京

師王生日飲酒不視太守會遂引入宮王生醉從後呼曰明府且

止願有所白遂還問其故王生日天子即問君何以治勃海君不

可有所陳對宜曰皆聖王之德非小臣之力也遂受其言既至前

上果問以治狀遂對如王生言天子悅其有讓笑曰君安得長者

之言而稱之遂因前曰臣非知此乃臣議曹教臣也上以遂年老

不任公卿拜為水衡都尉而以議曹王生為水衡丞 烏孫公主
女為龜茲王絳賓夫人絳賓上書言得尙漢外孫願與公主女俱
入朝

西元康元年春正月龜茲王及其夫人來朝皆賜印綬夫人號稱
公主賞賜甚厚龜茲王樂漢衣服制度歸其國治宮室作微道周
衛出入傳呼撞鍾鼓如漢家儀外國胡人皆曰噓非噓馬非馬龜
茲王所謂贏也 初作杜陵徙丞相將軍列侯吏二千石皆百萬

者杜陵

時以京兆杜縣東原上為
初陵更名杜縣曰杜陵

三月詔以鳳皇集泰山陳昭

甘露降未央宮赦天下 有司復言悼園宜稱尊號曰皇考夏五

月立皇考廟 冬置建章衛尉 初京兆尹趙廣漢客私酤酒長

安市丞相史遂去客客疑男子蘇賢言之以語廣漢廣漢使吏按

賢賢父上書訟罪廣漢坐貶秩疑賢邑子榮畜教令以它法論殺
童人上書言之事下丞相御史按驗廣漢恐丞相按之急欲得丞
相陰事以相持乃使所親信爲丞相府門卒令微伺丞相門內不
法事時丞相傅婢有過自殺廣漢疑丞相夫人妒殺侍婢欲以
此脅丞相丞相按之愈急廣漢欲告丞相罪先與太史知星氣者
商之太史言今年當有戮死大臣廣漢卽上書告丞相夫人殺婢
事制下京兆尹治其事廣漢乃將吏卒入丞相府召其夫人跪庭
下受辭收奴婢十餘人去丞相上書自陳事下廷尉治罪實丞相
自以過譴咎傅婢出至外第乃死不如廣漢言司直蕭望之劾奏
廣漢摧辱大臣逆節傷化不道帝惡之下廣漢廷尉獄吏民守闕
號泣者數萬人或言臣生無益縣官願代趙京兆死使牧養小民

廣漢竟坐要斬初大將軍霍光秉政廣漢事光及光薨後廣漢心

知微指發長安吏自將與俱至光子博陵侯禹第直突入其門搜

索私屠酤椎破盧罌斧斬其門關而去霍后聞之對帝涕泣帝心

善之以召問廣漢廣漢由是侵犯貨戚大臣好用世吏子孫新進

年少專厲疆壯讜氣師古曰讜與鋒同言鋒銳之氣見事風生無所迴避師古曰

其速疾不可當也 率多果敢之計莫為持難終以此敗考與日本紀元康

二年冬廣漢有罪要斬百官表本始三年廣漢為京兆尹六年要斬元康元年守京

兆尹彭城太守遺按廣漢傳司直蕭望之劾奏廣漢權辱大臣望

之自司直為平原太守元康元年自平原太守為少府然則廣漢

死當在元康元年本紀謂也廣漢傳又云地節三年七月丞相傳

自絞死蓋婢死已數年 然廣漢為京兆尹廉明威制豪彊小民得

職師古曰得職各百姓追思歌之 是歲少府宋時坐議鳳皇下

彭城未至京師不足美貶為泗水太守

博泗水王綜 上選博士諫大

夫通政事者補郡國守相以贍望之爲平原太守望之上疏曰陛下哀愍百姓恐德之不究悉出諫官以補郡吏朝無爭臣則不知過所謂憂其末而忘其本者也上乃徵望之入守少府 東海太守河東尹翁歸以治郡高第入爲右扶風翁歸曉習文法喜鞫劔人莫能當初爲市吏公廉不受餽百賈畏之田延年爲河東太守行縣至平陽悉召吏五六十人令有文者東有武者西至翁歸獨伏不肯起曰翁歸文武兼備唯所設施延年召與語自以爲不及徙署督鄧及爲東海太守過辭廷尉于定國定國欲託邑子兩人留語終日不敢見其邑子退謂邑子曰此賢將汝不任事也又不_可干以私翁歸治東海明察如神郡中吏民賢不肯及姦邪罪名盡知之縣縣各有記籍自聽其政有急名則少緩之吏民小懈聊

披籍縣縣收取黠吏豪民按致其罪高至於死收取人必於秋冬

課吏大會中及出行縣師古曰於大會之中及行縣時則收罪人以書一不以無事時其

有所取也以一警百吏民皆服恐懼改行自新其為扶風選用廉

平疾姦吏以為右職接待有禮好惡與同之其負翁歸罰亦必行

緩於弱小急於豪彊彊有論罪輸掌畜官使斫莖賣以員程員

也程不得取代不中程輒笞督極者至以鉄自剄而死京師畏其

威嚴扶風大治盜賦課常為三輔最翁歸為政雖任刑其在公卿

之間清潔自守語不及私然溫良謙退不以行能驕人故尤得名

譽於朝廷 初烏孫公主少子萬年有寵於莎車王班書莎車國王治莎車城

去長安九千里莎車王死而無子時萬年在漢莎車國人計欲自託

於漢又欲得烏孫心上誓請萬年為莎車王漢許之遣使者奚充

國送萬年萬年初立暴惡國人不說上令羣臣舉可使西域者前

將軍韓增舉上黨馮奉世以衛候使持節送大宛諸國客至伊循

城

伊循城在鄯善國漢於其中置屯田吏士

會故莎車王弟呼屠徵與焉耆共殺其土

萬年及漢使者奚充國自立爲王時匈奴又發兵攻車師城不能

下而去莎車遣使揚言北道諸國已屬匈奴矣於是攻擊南道與

敵盟畔漢從鄯善以西皆絕不通都護鄭吉校尉司馬憲皆在北

道諸國聞奉世與其副嚴昌計以爲不亟擊之則莎車日彊其勢

難制必危西域遂以節諭告諸國王因發其兵南北道合萬五千

人進擊莎車攻拔其城莎車王自殺傳其首詣長安更立它昆弟

子爲莎車王諸國悉平威振西域奉世乃罷兵以聞帝召見韓增

曰賀將軍所舉得其人奉世遂西至大宛大宛聞其斬莎車王敬

之異於它使得其名馬象龍而還通古曰言馬形似龍者神焉曰此馬名曰象龍也上甚

說議封奉世丞相將軍皆以為可獨少府蕭望之以為奉世奉使

有指通古曰本為送諸國客而擅矯制違命發諸國兵雖有功效不可以為

後法即封奉世開後奉使者利以奉世為比爭還發兵要功萬里

之外通古曰送敵也為國家生事於夷狄漸不可長奉世不宜受封上普

望之議以奉世為光祿大夫

訂元康二年春正月赦天下 上欲立皇后時館陶主母華婕妤

館陶主母及淮陽憲王母張婕妤楚孝王母衛婕妤皆愛幸淮陽憲王欲立

孝王上欲立張婕妤為后久之懲艾霍氏欲害皇太子乃更遣後

宮無子而謹慎者二月乙丑立長陵王婕妤為皇后令母養太子

封其父奉光為邛成侯奉光少時好鬪鷄帝在民間數與奉光會

相識奉光有女年十餘歲每當適人所當適輒死故久不行及帝

即位召入後宮稍進為婕妤至是立為后然后雖立無寵希得進

見 五月詔曰獄者萬民之命所以禁暴止邪養賢羣生也能使

生者不怨死者不恨則可謂文吏矣今則不然用法或持巧心析

律貳端深淺不平師古曰析分也謂分破律條妄生端緒以出入人罪增辭飾非以成其罪

奏不如實上亦亡由知此朕之不明吏之不稱四方黎民將何仰

哉二千石各察官屬勿用此人更或擅興徭役飾廚傳稱過使客

韓昭曰厨謂飲食傳謂傳舍言修飾意氣以稱過使而已師古曰使人及賓客來者稱其意而進之有過去也越職踰法

以取名譽譬如踐薄冰以待白日豈不殆哉今天下頗被疾疫之

災疾甚惡之其令郡國被災甚者毋出今年租賦 又曰聞古天

子之名難知而易諱也其更諱詢一旬奴大臣皆以為車師地肥

美近匈奴使漢得之多用積穀必害人國不可不爭由是數遣兵擊車師田者鄭吉將渠犂田卒七千餘人救之爲匈奴所圍吉上言車師去渠犂千餘里漢兵在渠犂者少勢不能相救願益田卒上與後將軍趙充國等議欲因匈奴衰弱出兵擊其右地使不得復擾西域魏相上書諫曰臣聞之救亂誅暴謂之義兵兵義者王敵加於己不得已而起者謂之應兵兵應者勝爭恨小故不忍憤恚者謂之忿兵兵忿者收利人土地貨寶者謂之貪兵兵貪者破恃國家之大矜民人之眾欲見威於敵者謂之驕兵兵驕者滅此五者非但人事乃天道也閉者匈奴嘗有善意所得漢民輒奉歸之未有犯於邊境雖爭屯田車師不足致意中謂不足介意也今聞諸將軍欲興兵入其地臣愚不知此兵何名者也今邊郡困乏父子共

犬羊之裘食草萊之實常恐不能自存難以動兵軍旅之後必有

凶年師古曰此引老子道經之語言民以其愁苦之氣傷陰陽之和也出兵雖

勝猶有後憂恐災害之變因此以生今郡國守相多不實選師古曰言

不得其人風俗尤薄水旱不時按今年子弟殺父兄妻殺夫者凡二百

二十二師古曰左右謂近臣在天子左人臣愚以為此非小變也今左右不憂此

者古乃欲發兵報織介之忿於遠夷殆孔子所謂吾恐季孫之憂不

在顛與而在齟齬之內也上從相言而止遣長羅侯常惠將張掖

酒泉騎往車師迎鄭吉及其吏士還渠犂召故車師太子軍宿在

焉耆者立以為王盡徙車師國民令居渠犂遂以車師故地與匈奴

奴以鄭吉為衛司馬使護鄯善以西南道丞相魏相明于易經

有師法嘗奏言陰陽者王事之本羣生之命自古賢聖未有不由

者也故春興兌治則飢秋興震治則華冬興離治則泄夏興坎治則霜明王慎於養人必謹於尊天又好觀漢故事及便宜章奏數條漢興已來國家便宜行事及賢臣賈誼龐參董仲舒等所言奏請施行之相救掾史按事郡國及休告從家還至府輒白四方異聞或有逆賊風雨災變郡不上相輒奏言之又與御史大夫丙吉同心輔政上皆重之丙吉爲人深厚不伐善自曾孫遭遇吉絕口不道前恩故朝廷莫能明其功也會掖庭宮婢則令民夫上書自陳嘗有阿保之功師古曰謂未爲宮婢時有舊夫見在俗間者章下掖庭令考問則辭引使者丙吉知狀掖庭令將則詣御史府以視吉視通作示吉識謂則曰汝嘗坐養皇曾孫不謹督咎汝汝安得有功獨渭城胡組淮揚郭徵卿有恩耳分別奏組等共養勞苦狀詔吉求組徵卿已死有

子孫皆受厚賞詔免則為庶人賜錢十萬上親見問然後知吉有

舊恩而終不言上大賢之 帝以蕭望之經明持重議論有餘材

任宰相欲詳試其政事復以為左馮翊 宋白曰馮翊也翊佐也義取輔佐京師 望之

從少府出為左遷恐有不合意即移病上聞之使侍中都成侯金

安上 改正都成侯通鑑元文作成都侯此承蕭望之傳之誤今從功臣表及霍光傳改正 諭意曰所用皆更

治民以考功君前為平原太守曰淺故復試之於三輔非有所聞

也望之即起視事 師古曰所聞謂聞其短也 初昭帝時掖庭令張賀數為弟

安世稱皇曾孫之材美及徵怪安世輒絕止以為少主在上不宜

稱述曾孫及帝即位而賀已死上謂安世曰掖庭令平生稱我將

軍止之是也上追思賀恩欲封其冢為恩德侯置守冢二百家賀

有子蚤死子安世小男彭祖彭祖又小與上同席研書指欲封之

先賜簡關內侯安世深辭賀封又求損守冢戶數稍減至三十戶
上曰吾自爲掖庭令非爲將軍也安世乃止不敢復言于是遂下
詔曰共爲故掖庭令張賀置守冢三十家上自處置其里居冢西
鬪鷄翁舍南上少時所常游處也杜陵陳遂帝微時亦與有故相
隨博弈遂數負進負進者負其所輸當進之物也及是亦以舊恩稍遷至太原太
守乃賜璽書曰制詔太原太守官尊祿厚可以償博進矣妻君密
時在旁知狀遂于是辭謝因曰事在元平元年赦令前其見厚如
此 上心忌故昌邑王賀賜山陽太守張敞璽書令謹備盜賊察
往來過客昌邑王廢歸昌邑國除爲山陽郡故令太守謹察之毋下所賜書師古曰密令書察不欲宣露也
敞於是條奏賀居處著其廢亡之效曰故昌邑王爲人青黑色小
目鼻末銳卑少須眉身體長大疾癢行步不便衣短衣大袴冠惠

文冠佩玉簪環筆持牘趨謁臣做與坐語中庭問妻子奴媵臣做

欲動觀其意即以惡鳥感之曰昌邑多梟故王應曰然前賀西至

長安殊無梟復來東至濟陽乃復聞梟聲梟不孝鳥一名流離詩註少好而長醜醜雅作

鷓鴣草木疎曰梟也大則食其母則子曰炎州有鳥曰梟偃伏其子百日而長羽翼既成食母而飛蓋稍長從母索食母無以應從

是而先漢使東都送梟五月五日作樂饗以賜百官臣做閱至子女持轡故王跪曰持轡母

嚴長孫女也臣做故知執金吾嚴延年字長孫女羅紉前為故王

妻紉音敷又音附察故王衣服言語跪起清狂不惠蘇林曰凡狂者陰陽

似狂者故言清狂也或曰清狂如今白癡者也臣做前言哀王歌舞者張修等十人無子

畱守哀王園請罷歸故王聞之曰中人守園疾者當勿治相殺傷

者當勿法欲令亟死太守柰何而欲罷之其天資喜由亂亡終不

見仁義如此上乃知賀不足忌也

元康三年春三月詔曰蓋聞象有罪舜封之骨肉之親祭而不

殊補註祭明也言其罪雖明白而不忍殊絕也其封故昌邑王賀

為海昏侯海昏縣屬豫章郡後漢分立建昌縣宋白曰今建昌縣舊海昏縣也宋元嘉二年廢海昏縣移建昌居焉考是

日王子侯表實以四月壬子封宜紀賀封在丙吉之前按是歲四月癸亥朔無壬子表誤乙未詔曰朕微眇

時御史大夫丙吉中郎將史會史元長樂衛尉許舜侍中光祿大

夫許延壽皆與朕有舊恩及故掖庭令張賀輔導朕躬修文學經

術恩惠卓異厥功茂焉詩不云乎無德不報師古曰大雅抑之篇封賀所子

弟子侍中中郎將彭祖為陽都侯追賜賀諡曰陽都哀侯吉為博

陽侯曾為將陵侯元為平憲侯舜為博望侯延壽為樂成侯地理志成

陽國有陽都縣平憲屬常山郡博望屬南陽郡賀有孤孫霸年七歲拜為散騎中郎將賜

爵關內侯故人下至郡邸獄復作書有阿保之功者皆受官祿出

宅財物各以恩深淺報之吉臨當封病上憂其不起將使人就加

印綈而封之及其生存也師古曰綈繫印之組也太子太傅夏竦勝曰此未

死也臣聞有陰德者必獲其樂以及子孫今吉未獲報而疾甚非

其死疾也後病果愈張安世自以父子封侯在位太盛乃辭祿詔

都內別藏張氏無名錢以百萬數文穎曰都內主藏官也安世謹慎周密每

定大政已決輒移病出聞有詔令乃驚使吏之丞相府問焉自朝

廷大臣莫知其與議也嘗有所薦其人來謝安世大恨以為舉賢

違能豈有私謝邪絕弗復為通絕弗復為通者安世故其關人之辭也有郎功高不

調自言安世安世應曰君之功高明主所知人臣執事何長短而

自言乎絕不許已而郎果遷其為光祿勳時郎有醉小便殿上主

事自行法安世曰何以知其不反水漿邪如何以小過成罪郎淫

官婢婢兒自言安世曰奴以恚怒誣汗衣冠告畧責奴其隱人過

失如此安世自見父子尊顯懷不自安為子延壽求出補吏上以

為北地太守歲餘上閔安世年老復徵延壽為左曹太僕以太僕而加左

曹官也 夏六月丙子立皇子欽為淮陽王 皇太子年十二通論

語孝經太傅疏廣謂少傅受曰吾聞知足不辱知止不殆此老子

之今仕宦至二千石豈成名立如此不去懼有後悔豈如父子相

隨出關歸老故鄉以壽命終不亦善乎即日父子俱移病上疏乞

骸骨上皆許之加賜黃金二十斤皇太子贈以五十斤公卿故人

設祖道供張東都門外補註漢以洛陽為東都此所謂東都門外乃指京都之東門外耳非洛陽之東都也

送者車數百兩辭決而去道路觀者皆曰賢哉二大夫或歎息為

之下泣廣受歸鄉里廣受東海蘭陵人日令其家賣金供具設酒食請族

人故舊賓客與相娛樂數問其家金餘尙有幾所幾所猶言幾計也趣實

以供具居歲餘廣子孫編謂其昆弟老人廣所愛信者曰子孫幾

幾讀及君時頗立產業基趾今日飲酒費且盡立從丈人所勸說

君買田宅老人卽以閒暇時為廣言此計廣曰我豈老諄不念子

孫哉顧自有舊田廬令子孫勤力其中足以供衣食與凡人齊今

復增益之以為贏餘但教子孫怠墮耳賢而多財則損其志愚而

多財則益其過且夫富者眾之怨也吾既無以教化子孫不欲益

其過而生怨又此金者聖主所以惠養老臣也故樂與鄉黨宗族

共饗其賜以盡吾餘日不亦可乎於是族人悅服 初黃霸為揚

州刺史三歲帝下詔曰制詔御史其以賢良高第揚州刺史霸為

潁川太守秩比二千石居官賜車蓋特高一丈別駕主簿車緹油

屏泥於軾前以章有德霸在潁川使鄧亭鄉官皆畜鷄豚

鄉古曰鄧亭者

舍謂薄送文書所止處亦如今之驛館也鄉官者鄉所治處也沈約曰漢制五家為伍伍長主之二五為什什長主之十什為里里魁主之十里為亭亭長主之十亭為鄉有鄉佐三老有秩當夫游徽各一人鄉佐有秩主賦稅三老主教化當夫主爭訟游徽主歲非以賑鰥寡貧弱者然後為條教置父老師帥伍長班行之於民

閒勸以為善防姦之意及務耕桑節用殖財種樹畜養去浮淫之

費其治米鹽靡密

師古曰米鹽言雜而且細

初若煩碎然霸精力能推行之吏

民見者語次尋繹問它陰伏以相參考嘗有所司察直長年廉吏

遣行囑令周密吏出不敢舍鄧亭食於道旁烏攫其肉後日吏還

霸迎勞之曰甚苦食於道旁乃為烏所盜肉吏大驚以霸具知其

起居不敢復有所隱鰥寡孤獨有死無以葬者鄉部書言霸具為

區處某處材木可以為棺某亭豬子可以祭吏往皆如其言其識

事聰明如此吏民不知所出咸稱神明姦人去入它郡盜賊日少

精力行教化而後誅罰務在成就全安長吏師古曰不欲易代及損傷之也許丞

老病擊督郵白欲逐之如滿日許縣丞據地理志許縣屬潁川郡郡有都督都分都屬縣霸曰許

丞廉吏雖老尙能拜起送迎正頗重聽何傷且善助之毋失賢者

意或問其故霸曰數易長吏送故迎新之費及姦吏因緣絕簿書

盜財物如道曰緣因也因交代之際而棄匿簿書以盜官物也公私費耗甚多皆當出於民

所易新吏又未必賢或不如其故徒相益爲亂凡治道去其泰甚

者耳霸以外寬內明得吏民心戶口歲增治爲天下第一徵守京

兆尹頃之坐法連貶秩有詔復歸潁川爲太守以八百石居太守秩二千石連貶故以八百石居

宋元康四年春正月詔曰朕念夫耆老之人髮齒墮落血氣既衰

以八百石居

亦無暴逆之心今或罹於文法執於囹圄不得終其年命朕甚憐

之自今以來年八十以上非誣告殺傷人它皆勿坐師古曰誣告人及殺傷人

皆如舊法其餘皆不論右扶風尹翁歸卒家無餘財秋八月詔曰翁歸廉

平鄉正治民異等其賜翁歸子黃金百斤以奉祭祀上令有司

求高祖功臣子孫失侯者得槐里公乘周廣漢等百三十六人皆

賜黃金二十斤復其家令奉祭祀世世勿絕公乘爵第八考異曰宜紀元康元年五月

復高皇帝功臣孫侯周勃等百三十六人家子孫四年又賜功臣適後黃金人二十斤按功臣表詔復家者皆云元康四年其數非

一不容盡誤蓋紀誤耳丙寅富平敬侯張安世薨初韋賢以拜相封侯

而子宏為太常丞職奉宗廟典諸陵邑煩劇易生罪過賢以宏當

嗣侯恐其以有罪覓黜妨為繼嗣敕令自免而宏以代父為嫌不

忍去官未幾宏竟坐宗廟事繫獄罪未決而賢病篤室家問賢當

為後者賢恚恨不可言宏弟元成少好學尤謙遜下士出遇知識

步行輒下車令從者載送之以為常其接貧賤者尤加敬由是名

譽日廣及賢薨家人遂矯賢令以元成為後時元成為大河都尉

服虔曰今東平郡也本為濟東國國除為大河郡在官聞喪又言當為嗣深知其非賢雅

意即陽為病狂臥便利妄笑語昏亂既葬當襲爵以狂不應召大

鴻臚奏狀章下丞相御史案驗元成素有名聲士大夫多疑其欲

讓爵避兄者案事丞相史迺與元成書曰古之辭讓必有文義可

觀故能垂榮於後今子獨壞容貌蒙恥辱為狂癡光曜掩而不宣

暗即微哉子之所託名也僕素愚陋過為丞相執事願少聞風聲

不然恐子傷高而僕為小人也元成友人侍郎章侍郎名章史遷其此亦上

疏言聖王貴以禮讓為國宜優養元成勿枉其志使得自安衡門

之下師古曰衙門謂黃一木於門上貧者之所居也而丞相御史遂以元成實不病劾奏

之有詔勿劾引拜元成不得已受爵帝高其節以元成為河南太

守車師王烏貴之走烏孫也烏孫留不遣漢遣使賈烏孫烏孫

送烏貴詣闕初武帝開河西四郡隔絕羌與匈奴相通之路斥

逐諸羌不使居湟中地河西武威張掖酒泉敦煌四郡本匈奴昆

阿遠不復得通湟中湟水左右地也其地肥美故斥逐諸羌不使

居之水經註金城郡臨羌縣西北至塞外有西王母石室標海鹽

池北則湟水所出東流逕皇中城北故小月氏之地也又東逕臨

羌城羌允街枝陽金城面合於大河蒲苾皇中即今陝西行都司

內甯屬○及帝即位光祿大夫義渠安國使行諸羌義渠姓也先零蒙

允者沿言願時度湟水北零音逐民所不田處畜牧師古曰湟水出金城

水之北是漢地仲馮曰源北非謂漢地也羌意欲南徙與匈奴合而為寇安國不知其情故受其辭詳下文可見余謂羌依南山度湟水而北固欲與匈奴合而度北則漢地所以隔絕羌與匈奴通之路正在此安國以聞後將軍趙充

國効安國奉使不敬是後羌人芴緣前言抵胥度遼水師古曰芴依也抵胥

犯爽而郡縣不能禁既而先零與諸羌種豪二百餘人解仇交質

盟詛師古曰羌人無大君長而諸種豪選相殺伐故每有仇上聞

之以問趙充國對曰羌人所以易制者以其種自有豪數相攻擊

勢不一也往三十餘歲西羌反時亦先解仇合約攻令居與漢相

距五六年乃定武帝元鼎五年西羌反攻故安匈奴數誘羌人欲

與之共擊張掖酒泉地使羌居之閒者匈奴困於西方謂本始三年為烏孫

所疑其更遣使至羌中與相結臣恐羌變未止此且復結聯他種

立及未然為之備後月餘羌侯狼何果遣使至匈奴請兵師古曰藉借也

錄充國傳狼何小月且置欲擊都善致煌以絕漢道充國以為狼何勢不能獨

造此計疑匈奴使已至羌中先零罕开乃解仇作約蘇林曰罕开在金城南

古曰旱井羌之別種也此下言漢井家雜庫宜天子至德旱井之屬皆聞知所詔其下又云河南大井小井則旱井羌姓族殊矣而地理志天水有旱井縣蓋以此二種羌來降處之此地因以名縣也而今之羌姓有旱井者總是旱井之類合而言之因為姓耳變井為井字之訛也○凡音率

到秋馬肥變必起矣宜遣使者行邊兵豫為備救

視諸羌毋令解仇以發覺其謀於是兩府復白遣義渠安國行視

諸羌兩府丞相御史府也分別善惡 勃海膠東盜賊竝起山陽太守張敞

自請治之上書曰山陽郡戶九萬三千口五十萬以上計盜賊未

得者七十七人他課諸事亦略如此伏聞膠東勃海盜賊竝起臣

做願盡力焉上即拜敞膠東相敞又自言治劇郡非賞罰無以為

功懲吏若追捕有功願得比三輔尤異上許之敞到膠東明設購

賞開羣盜令相捕斬除罪吏追捕有功上名尚書調補縣令者數

十人由是盜賊駭散東方以甯時王太后數出游獵敞奏書諫曰

臣聞秦王好淫聲葉陽后爲之不聽鄭衛之樂楚莊好田獵樊姬爲之不食禽獸之肉口非惡甘旨耳非憎絲竹也所以抑心意絕嗜慾者將以帥二君而全宗祀也禮君母出門則乘輜駟駟音下堂則從傅母進退則鳴佩玉內飾則結綢繆此言尊貴所以自斂不從恣之義也太后遂止不復出 是時比年豐稔穀石五錢

初霍光輔政上恭己南面非宗廟之祀不出至是年乃下詔曰蓋聞天子尊祀天地修祀山川古今通禮也聞者上帝之祠闕而不親十有餘年朕甚懼焉朕親飭躬齋戒親奉祀爲百姓蒙嘉氣獲豐年焉

資治通鑑補卷二十五終